

## Набий алайҳиссаломнинг қайтариқлари (бешинчи мақола)



19:30 / 10.09.2020 2627

### ***Фитратни ўзгартиришдан қайтариқлар***

Абу Жухайфа розияллоҳу анҳудан ривоят қилинади:

«Расулуллоҳ соллаллоҳу алайҳи васаллам ит учун ва қон олганлик учун ҳақ олмоқдан, баданга игна билан аломатлар чиздириш ва чизишдан ҳамда судхўрликдан қайтардилар».

*Имом Бухорий ривояти.*

Абдуллоҳ ибн Динор ривоят қиладилар: «Абдуллоҳ ибн Умар айтадиларки, Расулуллоҳ соллаллоҳу алайҳи васаллам қазаъдан қайтарибдилар». (Қазаъ – ўғил боланинг сочини олаётганда пешона тепасидагина соч қолдириб,

бошқа жойларини олиб ташлаш).

*Имом Бухорий ривоятлари.*

Асмо бинти Абу Бакр розияллоҳу анҳодан ривоят қилинади:

«Расулуллоҳ соллаллоҳу алайҳи васаллам улама соч тақиб қўювчи ва улама соч тақувчи аёлларни лаънатладилар».

*Имом Бухорий ривояти.*

Алқамадан розияллоҳу анҳудан ривоят қилинади: «Абдуллоҳ айтдики, Расулуллоҳ соллаллоҳу алайҳи васаллам ҳусн учун игна билан турли шакллар чизувчи, қош терувчи ва тишлар орасини кенгайтирувчи аёлларни, яъни Аллоҳ таоло яратган аъзоларни ўзгартирувчи аёлларни лаънатлаганлар».

*Имом Бухорий ривояти.*

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: «Кўз тегмоғи ҳақ нарсадир», дедилар ва игна билан аломатлар чизмоқдан қайтардилар».

*Имом Бухорий ривояти.*

Авн ибн Абу Жухайфа розияллоҳу анҳудан ривоят қилинади: «Убайни кўрдим, у менга: «Расулуллоҳ соллаллоҳу алайҳи васаллам (қортиқ солиб) қон олганлик учун ҳақ олмоқдан, ит сотмоқдан, судхўрлик ва порахўрлик қилмоқдан ҳамда бу ишларда воситачи бўлмоқдан, игна билан аломатлар чизмоқ ва чиздирмоқдан қайтардилар», деди».

*Имом Бухорий ривояти.*

Расулуллоҳ соллаллоҳу алайҳи васаллам соч ва соқолнинг оқларини юлиб ташлашни ман этдилар.

*Имом Термизий, Насай, Ибн Можа ривоятлари.*

Расулуллоҳ соллаллоҳу алайҳи васаллам айтдилар:

«Соч уловчи ва сочини улатувчи ҳамда юзи ва тишларининг ранги ва шаклини ўзгартирувчи аёлларни Аллоҳ таоло лаънатласин!»

*Имом Бухорий, Муслим, Аҳмад ривоятлари.*

Абдуллоҳ ибн Аббос розияллоҳу анҳудан ривоят қилинади:

«Расулуллоҳ соллаллоҳу алайҳи васаллам: «Мен умматимга ярага тамға қиздириб босмоқни ман қилгайман», деганлар».

*Имом Бухорий ривоятлари.*

*(Давоми бор)*

**Тўртинчи мақола**

***Islom.uz архивдан***